

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO ZDRAVSTVA TUZLANSKOG KANTONA
KRIZNI ŠTAB MINISTARSTVA ZDRAVSTVA TUZLANSKOG KANTONA

Broj: 13/1-33-2027-30-1-2/20
Tuzla, 27.07.2020. godine

Na osnovu Odluke Vlade Federacije Bosne i Hercegovine da 31.5.2020. godine prestaje stanje nesreće uzrokovane pojavom koronavirusa (COVID-19) na području Federacije BiH od 29.05.2020. godine i Naredbe Kriznog stožera Federalnog ministarstva zdravstva broj: 01-33-3223/20 od 29.05.2020. godine i 01-33-4278/20 od 23.07.2020. godine, Krizni štab Ministarstva zdravstva Tuzlanskog kantona donosi

NAREDBU

1. Naređuje se obvezno nošenje zaštitnih maski u zatvorenom javnom prostoru uz poštivanje distance od minimalno 1 metar, kao i u otvorenom javnom prostoru, ukoliko na otvorenom prostoru nije moguće održavati fizičku distancu od 2 metra između osoba.
2. Dozvoljeno je javno okupljanje ljudi na određenom prostoru pod sljedećim uvjetima:
 - ne više od 50 ljudi u zatvorenom prostoru,
 - ne više od 100 ljudi na otvorenom prostoru.

Sva okupljanja unutar navedenih ograničenja moraju se odvijati u prostoru koji omogućuje obveznu fizičku distancu od najmanje 2 metra između osoba (osim članova istog kućanstva).

Sa ciljem smanjivanja rizika od COVID-19, kao i zaštite ličnog zdravlja, za vrijeme okupljanja, potrebno je obvezno pridržavanje preporuka donijetih od strane zavoda za javno zdravstvo u Federaciji BiH (higijensko-epidemioloških mjera). Za provođenje mjera na skupovima odgovorni su organizatori okupljanja. Organizator je dužan izvršiti prijavljivanje održavanja skupa sukladno propisima o javnom okupljanju, kao i propisima kriznih štabova.

3. U uvjetima COVID-19 epidemiološke situacije u Federaciji BiH koja se pogoršava, naređuje se striktno poštovanje preporuka Zavoda za javno zdravstvo Federacije Bosne i Hercegovine, za sve one na koje se preporuke odnose, a koje su dostupne na www.zzjz.fbih.ba i to:
 - preporuke za državljane BiH i strane državljane koji ulaze u BiH;
 - preporuke - javni prevoz;
 - preporuke za muzeje, galerije, kina i sl.;
 - preporuke za ugostiteljske objekte;
 - preporuke - vrtići;
 - preporuke za stomatološke ordinacije;
 - preporuke - trajni smještaj i zbrinjavanje;
 - preporuke za sportsko-rekreativne aktivnosti-dopuna;
 - preporuke za rad hotela;
 - preporuke za trgovine, uslužne djelatnosti, tržne centre;
 - preporuke- proslave;
 - preporuke za rad studentskih domova u kontekstu COVID-19.
4. Naređuje se Kantonalnoj upravi za inspeksijske poslove, odnosno mjerodavnim općinskim i gradskim inspektorima da kontinuirano kontroliraju provođenje Naredbe pod tačkom 3.,

te sukladno svojim ovlastima poduzimaju mjere iz okvira svoje nadležnosti, koja uključuje pokretanje kaznenih prijava protiv počinitelja za koje se postavi osnovana sumnja da ne izvršavaju naredbe u uvjetima pandemije COVID-19 za kaznena djela kažnjiva po Kaznenom zakonu Federacije BiH.

5. Traži se od mjerodavnih uprava policije i mjerodavnih tužiteljstava hitno postupanje po podnijetim kaznenim prijavama iz tačke 3. ove Naredbe, sukladno njihovim ovlastima.
6. Obvezuju se zdravstvene ustanova sa područja kantona da redovito revidiraju krizne planove pripravnosti i odgovora na pojavu novog koronavirusa (COVID-19), spram promjene epidemiološke situacije na području kantona ili lokalne zajednice.
7. Nalaže se svim zdravstvenim ustanovama na području TK, da nastave sa kontinuiranim provođenjem i primjenom kriznog plana pripravnosti odgovora na pojavu COVID-19, a naročito mjera koje se odnose na hospitalizaciju osoba za koje je testiranjem utvrđeno da su pozitivne na korona virus (SARS-CoV-2) i drugih mjera prema izvorima zaraze.
8. Zadužuje se Zavod za javno zdravstvo TK da pojača nadzor nad provođenjem i primjenom kantonalnog kriznog plana pripravnosti i odgovora na pojavu novog koronavirusa COVID-19.
9. U zdravstvenim ustanovama, bez obzira na oblik vlasništva, kao i privatnim praksama, obvezno je provođenje trijaže i pridržavanje striktnih mjera za prevenciju i kontrolu infekcije i praćenje općih i specifičnih preporuka radi sigurnosti osoblja i pacijenata u kontekstu COVID-19.
10. Nalaže se zdravstvenim ustanovama na području kantona, bez obzira na oblik vlasništva, kao i privatnim praksama, da sukladno kriznom planu pripravnosti odgovora na pojavu COVID-19, osiguraju kontinuiranu dostupnost zdravstvenih usluga stanovništvu, kako za hladne, tako i za hitne slučajeve.
11. Obvezuju se zdravstvene ustanove da ažuriraju podatke kriznih štabova sa brojevima telefona, radi kontinuirane dostupnosti svim zainteresiranim, te iste dostave Federalnom ministarstvu zdravstva, odnosno Kriznom stožeru Federalnog ministarstva zdravstva.
12. Naređuje se kriznim štabovima zdravstvenih ustanova da najmanje jednom sedmično dostavljaju izvješće o svom radu Kriznom štabu Ministarstva zdravstva TK.
13. Dozvoljava se rad poslovnih subjekata uz primjenu općih i specifičnih preporuka radi sigurnosti osoblja i klijenata u kontekstu COVID-19 bolesti, uz obvezno pridržavanje preporuka donesnih od strane Zavoda za javno zdravstvo u Federaciji BiH (higijensko-epidemioloških mjera).
14. Nalaže se svim pravnim i fizičkim osobama, koja zapošljavaju više od 20 radnika, a koji do sada nisu donijeli krizni plan pripravnosti i odgovora na pojavu COVID-19, da što hitnije donesu navedeni plan, kojim će biti usklađena organizacija rada navedenih subjekata sa datim preporukama i smjernicama Zavoda za javno zdravstvo Federacije BiH i Zavoda za javno zdravstvo TK.
15. Dozvoljava se pružanje usluga u ugostiteljskim objektima u otvorenom i zatvorenom prostoru, samo sjedeća mjesta, uz obvezno pridržavanje preporuka donijetih od strane zavoda za javno zdravstvo u Federaciji BiH (higijensko-epidemioloških mjera).

16. U ugostiteljskim objektima i to samo na otvorenom (baštama i terasama) dozvoljava se upotreba i konzumiranje nargila (šiša), uz obveznu primjenu jednokratnog nastavka i jednokratnog crijeva, nakon konzumiranja od strane svakog pojedinačnog klijenta.
17. Naređuje rad ugostiteljskih objekata na području kantona ne dulje od 23:00 sata.
18. Naređuje se obustava posjeta u ustanovama socijalne zaštite koje zbrinjavaju i smještaju starije osobe, kao i drugim ustanovama socijalne zaštite na području TK, što uključuje i obustavu izlazaka štićenika iz ovih ustanova. Navedeno se odnosi i na kazнено-popravne ustanove.
19. Dozvoljava se prijem novih štićenika u ustanovama socijalne zaštite uz uvjet da je prethodno provedena mjera izolacije od 14 dana i testiranje na COVID-19 nakon isteka roka od 14 dana izolacije koje mora rezultirati negativnim testom. Navedeno se primjenjuje i kod premještanja štićenika iz jedne ustanove u drugu, odnosno u slučaju premještanja štićenika iz zdravstvene ustanove u ustanovu socijalne zaštite. Obveza je ustanove socijalne zaštite osigurati prostor za samoizolaciju.
20. Dozvoljena je organizacija grupnih putovanja za štićenike ustanova socijalne zaštite koje organiziraju ustanove socijalne zaštite i sl., a čiji je cilj fizička i psihofizička rehabilitacija, i to uz prethodno pribavljenu saglasnost Kriznog štaba Ministarstva zdravstva TK.
21. Dozvoljava se rad gradskog, prigradskog i međugradskog prijevoza uz obvezno pridržavanje preporuka donijetih od strane zavoda za javno zdravstvo u Federaciji BiH (higijensko-epidemioloških mjera).
22. Dozvoljeno je održavanje vježbi i praktičnog rada na fakultetima, polaganje ispita, odbrane diplomskih i magistarskih radova, te doktorskih disertacija, održavanje prijemnih ispita i upisa novih učenika/studenata u osnovnim i srednjim školama i fakultetima, kao i praktičnog rada u srednjim strukovnim školama uz obvezno pridržavanje preporuka donijetih od strane Zavoda za javno zdravstvo u Federaciji BiH (higijensko-epidemioloških mjera).

Dozvoljeno je održavanje pripravničkog i specijalističkog, odnosno subspecijalističkog staža zdravstvenih radnika u zdravstvenim ustanovama, te drugim institucijama u kojima se staž obavlja, polaganje stručnih, specijalističkih i subspecijalističkih ispita zdravstvenih radnika, kao i obavljanje pripravničkog staža i polaganje stručnih ispita u drugim strukama, uz obvezno pridržavanje preporuka donijetih od strane Zavoda za javno zdravstvo u Federaciji BiH (higijensko-epidemioloških mjera).
23. Dozvoljava se održavanje sportskih takmičenja, ali bez prisustva publike, uz obvezno pridržavanje preporuka donijetih od strane Zavoda za javno zdravstvo u Federaciji BiH (higijensko-epidemioloških mjera).
24. Dozvoljava se održavanje trenažnih procesa sportista svih sportskih klubova, uz obvezno pridržavanje preporuka donijetih od strane zavoda za javno zdravstvo u Federaciji BiH (higijensko-epidemioloških mjera).
25. Zadužuje se Kantonalna uprave za inspeksijske poslove, odnosno mjerodavni općinski i gradski inspektori da pojačaju inspeksijski nadzor svih inspekcija, a u cilju kontrole provođenja naređenih mjera i sprječavanja širenja COVID-19 na području svoje jurisdikcije, kao i kontrolu ove naredbe.

26. Zadužuje se MUP TK kantona – Uprava policije sukladno tački IV Odluke o proglašenju prestanka stanja nesreće uzrokovano pojavom koronavirusa (COVID-19) na području Federacije Bosne i Hercegovine („Službene novine Federacije BiH", broj 34/20), poduzimaju mjere iz svoje mjerodavnosti kao potpora inspekcijskim službama, a u cilju kontrole provođenja naređenih mjera i sprječavanja širenja COVID-19 na području svoje jurisdikcije.
27. Zadužuju se Kantonalna uprave za inspekcijske poslove, odnosno mjerodavni općinski i gradski inspektori da dostave Kriznom štabu Ministarstva zdravstva TK, izvješća o pojačanom inspekcijski nadzoru svih inspekcija, a u cilju kontrole provođenja naređenih mjera i sprječavanja širenja COVID-19 na području svoje jurisdikcije, te da navedena izvješća nastave dostavljati u kontinuitetu svakih 14 dana.
28. Naredba se donosi sa rokom važenja od 14 dana računajući od dana početka primjene ove Naredbe.
29. Ova naredba stupa na snagu danom donošenja, a primjenjuje se od 27.07.2020. godine.

Dostaviti:
1x JZU/PZU na području TK – sve
1x Svim Ministarstvima TK
1x KUIP TK
1x ZZO TK
1x Mediji
1x a/a

**MINISTRICA I
PREDSJEDNICA KŠMZTK**

Dr. stom. Dajana Čolić